



BOLETÍN OFICIAL DO PARLAMENTO DE GALICIA

Número 580

VIII lexislatura

15 de novembro de 2011

Fascículo 2

SUMARIO

(Versión electrónica en www.parlamentodegalicia.es)

1. Procedementos de natureza normativa

1.2. Proxectos e proposicións de lei

1.2.1. Proxectos de lei

Emendas á totalidade formuladas ao Proxecto de lei de medidas fiscais e administrativas

– Do G.P. dos Socialistas de Galicia (doc. núm. 73630). [167755](#)

– Do G.P. do Bloque Nacionalista Galego (doc. núm. 73621). [167758](#)

9. Informacións e correccións de erros

9.2. Correccións de erros

Corrección de erros na publicación no *Boletín Oficial do Parlamento de Galicia* do acordo do Pleno do Parlamento relativo á Proposición non de lei 08/PNP-1371 (70413) [167754](#)

1. Procedementos de natureza normativa

1.2. Proxectos e proposicións de lei

1.2.1. Proxectos de lei

Emendas á totalidade formuladas ao Proxecto de lei de medidas fiscais e administrativas

- Do G.P. dos Socialistas de Galicia (doc. núm. 73630).
- Do G.P. do Bloque Nacionalista Galego (doc. núm. 73621).

A Mesa da Comisión 3.^a, Economía, Facenda e Orzamentos, na súa sesión do día 14 de novembro de 2011, adoptou o seguinte acordo:

Cualificación de emendas á totalidade presentadas ao Proxecto de lei de medidas fiscais e administrativas (doc. núm. 72619).

Examinados os escritos presentados e dado que se axustan aos requisitos establecidos no Regulamento da Cámara, acordan a súa admisión co seguinte detalle:

Emendas á totalidade

- 1 emenda formulada polo G.P. dos Socialistas de Galicia (doc. núm. 73630).
- 1 emenda formulada polo G.P. do Bloque Nacionalista Galego (doc. núm. 73621).

Santiago de Compostela, 14 de novembro de 2011

Pilar Rojo Noguera
Presidenta

9. Informacións e correccións de erros

9.2. Correccións de erros

Corrección de erros na publicación no *Boletín Oficial do Parlamento de Galicia* do acordo do Pleno do Parlamento relativo á Proposición non de lei 08/PNP-1371 (70413)

Advertido un erro material na publicación do acordo do Pleno do Parlamento relativo á Proposición non de lei 08/PNP-1371(70413), procédese á súa corrección nos seguintes termos:

Onde di:

“- 08/PNP-1371(70413)

Grupo Parlamentario Popular de Galicia

Grupo Parlamentario dos Socialistas de Galicia

Grupo Parlamentario do Bloque Nacionalista Galego

Sobre a posta en marcha de campañas de prevención do cancro de pel denominado melanoma, así como a difusión de información relativa a esta patoloxía

BOPG núm. 543, do 21.09.2011

Sométese a votación e resulta rexeitada por 37 votos a favor, 38 votos en contra e ningunha abstención.”

Debe dicir:

“- 08/PNP-1371(70413)

Grupo Parlamentario Popular de Galicia

Grupo Parlamentario dos Socialistas de Galicia

Grupo Parlamentario do Bloque Nacionalista Galego

Sobre a posta en marcha de campañas de prevención do cancro de pel denominado melanoma, así como a difusión de información relativa a esta patoloxía

BOPG núm. 543, do 21.09.2011

Sométese a votación e resulta aprobada pola unanimidade dos 75 deputados e deputadas presentes.”

Santiago de Compostela, 14 de novembro de 2011

Xosé Antón Sarmiento Méndez
Letrado oficial maior



 Grupo Parlamentario

Á Mesa do Parlamento

O **Grupo Parlamentario dos Socialistas de Galicia**, a través do seu portavoz e ao abeiro do disposto no artigo 112 do Regulamento da Cámara, presenta ante esa Mesa a seguinte **emenda á totalidade ao proxecto de lei de medidas fiscais e administrativas** (PL-0036, doc. núm. 72619), con expresa petición de devolución, en virtude das seguintes consideracións:

Partido dos
Socialistas
de Galicia

- Por discrepar da utilización desta técnica lexislativa para introducir reformas relevantes pola porta de atrás, que se efectúa en relación ás condicións especiais do trámite orzamentario, cando moitas das modificacións lexislativas propostas nada teñen que ver co orzamento, propiciando un proceso de confusión impropia dun goberno.
- Neste senso o propio Tribunal Constitucional tense pronunciado sobre o irregular desta actuación. Mais aínda cando utilízase esta técnica co obxectivo de limitar a fundamental deliberación e publicidade ante os cambios lexislativos.
- Neste senso, o propio informe do CES fai a seguinte consideración: “O CES considera inadecuada a técnica lexislativa que se traza con este anteproxecto e os problemas que suscita o uso dunha lei que regula unha profusión de materias distintas, provocando inseguridade xurídica ao incrementar a dispersión das normas reguladoras, o que dificulta a súa localización e entendemento por parte das persoas obrigadas por elas. Ao mesmo tempo, dificultaselle a este Concello a realización dunha avaliación global do texto obxecto de ditame.”
- O propio informe da Asesoría Xurídica da Xunta advirte: “Respecto a tales leis compre sinalar que teñen recibido críticas pola non sempre clara complementariedade orzamentaria así como polo que teñen de regulación substantiva de materias heteroxéneas nun so texto normativo, técnica normativa que non favorece a seguridade xurídica.”
- Así o texto aprobado polo Goberno da Xunta de Galicia incorpora de xeito opaco cambios en 61 artigos ou disposicións de 15 leis e derroga por completo a Lei 7/1997 do 11 de Agosto de contaminación acústica. Cambios no decreto lexislativo 1/2011 do 28 de xullo do texto refundido



Grupo Parlamentario

Partido dos
Socialistas
de Galicia

das disposicións legais da Comunidade Autónoma de Galicia, na tributación sobre o xogo, na Lei de taxas, prezos e exaccións reguladoras da Comunidade Autónoma de Galicia, na Lei de augas, no texto refundido da Lei de réxime financeiro e orzamentario de Galicia, na Lei de subvencións, na Lei reguladora dos xogos e apostas en Galicia, na Lei de ordenación farmacéutica de Galicia, na Lei de saúde, na Lei que crea e regula o Instituto Galego de Seguridade e Saúde Laboral, a Lei que regula o aproveitamento eólico de Galicia e crea o canon eólico e o Fondo de Compensación Ambiental, a Lei de organización e funcionamento da administración xeral e do sector público autonómico de Galicia, a Lei de medidas urxentes en materia de ordenación do territorio e do litoral, a Lei de protección ambiental de Galicia ou a Lei de medidas fiscais e administrativas (lei de acompañamento do ano 2002).

- Un ano máis o Goberno galego incrementa a discrecionalidade no urbanismo e a ordenación do territorio ao cambiar as regras pola subxectividade, situación que claramente vai contra o interese xeral dos cidadáns e o uso racional dos recursos e a sostenibilidade medio ambiental.
- Con estas modificacións o Goberno galego prioriza os criterios económicos sobre as necesidades dos cidadáns. Así o pon de manifesto a modificación da Lei de ordenación farmacéutica de Galicia polo que as persoas usuarias dos núcleos illados poderían quedar sen o servizo de farmacia de garda e que o propio CES estima que “deixaría claramente a porta aberta a non garantir a prestación xustamente a un colectivo social ou unhas áreas xeográficas que requiren de medidas de apoio, non de negación -pola vía dos feitos- de acceso a un servizos importante.”
- Un proxecto de lei que elimina o dereito básico e universal a prestación sanitaria o endurecer as condicións de acceso. Perigo que pon de manifesto o informe do CES, quen tamén advirte da contradición deste cambio legal ca lexislación básica do Estado. Esta situación se agrava co establecemento dunha taxa a renovación e reposición da tarxeta sanitaria, imprescindible para ter acceso o servizo sanitario, que non so limita o acceso senón que incorpora un pago extraordinario para acceder o servizo público ou co - pago.



 Grupo Parlamentario

Partido dos
Socialistas
de Galicia


- Un proxecto de lei que limita o estado do benestar eliminando a universalidade da prestación sanitaria, que abre as portas o co - pago para acceder os servizos sanitarios, que defende os intereses empresariais sobre o interese xeral ou que incrementa a discrecionalidade da ordenación do territorio. Un proxecto de lei que non só é malo na forma senón nefasto no fondo.
- Ademais tamén, pese o intento do Goberno autonómico de presentar este proxecto de lei exclusivamente como unha proposta para a introdución de determinados beneficios fiscais, o certo é que o mesmo contén fundamentalmente un aumento de moitas das taxas existentes, a vez que introduce novos gravames, en ambos casos sen a necesaria e pertinente xustificación e nalgúns casos de xeito inxusto.
- Por saúde democrática, transparencia e seguridade xurídica pedimos a devolución deste proxecto de lei esperando que esta práctica lexislativa, desterrada en Galicia na pasada lexislatura, e restaurada polo Goberno galego o pasado ano, non volva ser utilizada nin no orzamento de 2012 nin en ningún outro.

Pazo do Parlamento, 11 de novembro de 2011

Asdo.: Abel Losada Alvarez
Portavoz do G.P. dos Socialistas de Galicia

Asinado dixitalmente por:

Abel Fermín Losada Álvarez na data 11/11/2011 17:11:29



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza




PARLAMENTO DE GALICIA
REXISTRO XERAL ENTRADA
Data asento: 11/11/2011 12:32
Nº Rexistro: 73621
Data envío: 11/11/2011 12:32:26.161

Á Mesa do Parlamento

O Grupo Parlamentar do Bloque Nacionalista Galego (BNG), a través do seu portavoz **Carlos Aymerich Cano**, ao abeiro do disposto no Regulamento da Cámara, presenta a seguinte **emenda á totalidade, de devolución ao Proxecto de lei de medidas fiscais e administrativas (PL-0036, doc. núm. 72.619)**.

Non contento con forzar o Regulamento da cámara abusando do trámite de urxencia e de procedementos excepcionais como o de lectura única, o goberno do PP volve violentar os usos democráticos ao aproveitar este proxecto de lei de acompañamento para modificar e derogar, nunha sorte de lei ómnibus, disposicións legais do máis variado teor e que pola súa trascendencia merecerían un debate social e parlamentar máis sosegado e sistemático que o que permite a sumaria tramitación deste proxecto de lei.

Modificacións caracterizadas, todas elas, polo seu carácter regresivo. Ora por incrementar a presión fiscal de forma regresiva sobre o conxunto da sociedade através dos tributos que gravan o uso ou consumo de auga e da suba de taxas e prezos públicos, algúns de nova criazón como a de renovación da tarxeta sanitaria; ora por restrinxir o acceso dos cidadáns aos servizos públicos, nomeadamente os sanitarios e farmacéuticos, ámbito onde por certo se relaxan as exixencias para os hospitais de menos de cen camas que na Galiza son, na súa práctica totalidade, de titularidade privada; ora por eliminar cautelas ambientais na tramitación de proxectos e plans públicos ou, neste mesmo eido, por derrogar a legislación de protección contra a contaminación acústica en liña, sen dúbida, coas exixencias da CEOE de suprimir normas ambientais por atentaren, do seu punto de vista, contra a competitividade.



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 11/11/2011 12:32
Nº Rexistro: 73621
Data envío: 11/11/2011 12:32:26.161

Por todas estas razóns, solicitamos a devolución do Proxecto de lei de medidas fiscais e administrativas.

Santiago de Compostela, 11 de Novembro de 2011.

Asdo.: Carlos Aymerich Cano
Portavoz do G.P. do BNG.

Asinado dixitalmente por:

Carlos Ignacio Aymerich Cano na data 11/11/2011 12:28:40



BOLETÍN OFICIAL DO PARLAMENTO DE GALICIA

Edición e subscricións: Servizo de Publicacións do Parlamento de Galicia.
Hórreo, 63. 15702. Santiago de Compostela. Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727